



## **Uunga siunnersuut: Akileraaruserinermik ingerlatsineq pillugu Inatsisartut inatsisaata allangortinneqarneranik Inatsisartut inatsisaat.**

Aningaasaqarnermut Nunamullu Namminermut Naalackersuisoq

### **Siullermeernera**

Naalackersuisut sinnerlugit Aningaasaqarnermut Nunamullu Namminermut Naalackersuisup matumuuna saqqummiuppaa akileraaruserinermik ingerlatsineq pillugu Inatsisartut inatsisaata allangortinneqarneranik Inatsisartut inatsisissaatut siunnersuut, taannalu imatut Naleqqamiit oqaaseqaateqarfigissavarput.

Inatsisartut inatsisaata allangortinneqarnissaanik siunnersuut akileraaruserinermik ingerlatsineq pillugu allanguuterpaalunnik assigiinngitsunik imaqarpoq, tassungalu ilanngullugu Kalaallit Nunaanni akileraartartut pillugit paasissutissanik akileraaruseriffik ingerlatitseqqissinnaanissaanut pisinnaatitaaffeqarnissaat nunani avannarlerni oqartussanut avitseqaateqarsinnaanerit pitsaanerusumik aqutissiuunneqarnissaat siunertaralugu naleqqussaaffiulluni.

Meeqqamut najunngisamat akilersuisussaataitanermik taamatullu aapparit katissimasut qimanneranni pilersuisussaataitaneranni eqqartuussivinni suliaqartoqartarneranni paasissutissat arlaleriarluniluunniit noqqaasaraluarluni pissarsiarisannginneri peqqutaallutik pissakinnerusut ajornerusumik inissimalertarnerat anigorniarlugu inatsimmi illuatungeriit akiliutissaasa annertussusissaanut aaliangersaasussaanermi sukumiisumik eqqartuussiviit paasissutissanik tiguisinnaanissaat uanissaaq eqaallisarniarneqarpoq paasissutissat ajornannginnerusumik tunniunneqarsinnaalernissaat eqqarsaatigalugu.

Maannakkumut inatsisit atuuttut malillugit akileraaruseriffiup inuit isertitaat pillugit paasissutissanik inatsitigut pisussaaffeqannginnera Naalagaaffiup Sinniisoqarfiata, tassalu Rigsombuddet-ip piomasaaqatigisimavaa aningaasanik isertitatigut paasissutissanik inatsisitigut aallertoqarsinnaalernissaanut aqutissiuunneqassasoq eqqartuussivinni sulianut tunngasuni toqqammaveqarluarluni aaliangersaasarnissanut. Taamatut aaqqiiniarnerit eqqartuussiviit paasissutissat sukumiisut pissarsiarisinnaanngorlugit aaqqiiniarnerit Naleqqamiit pissusissamisoortutut isigalutigit inatsisissami naleqqussaasoqarnera naammagisimaarparput.



Taamatullu inatsisip naleqqussaaviginerani akileraasuseriffiup nunani allani paasissutissanik oqartussanut tunniussisarnera pissarsisarneralu pillugu malittarisassat erseqqissarneqartut siunnersuummi akileraasuseriffik sakkussaqaalissaaq aningaasat peqquserluutinik hvidvaskningssekretariatimit nalunaarutinit paasissutissanik pissarsinissaanut tunniussisarnissaanut aamma uani immikkut pineqarluni piareersaaneq.

Taamatullu inatsimmi naleqqussaaqqinnermi ingerlatseqatigiiffiit tassalu selskabit il.il akileraarutinit siumoortumik aconto-mik taaneqartartumik akiliutaagallatoqarsinnaaneraniq periarfissiinermik inatsit iluarsartuussinermik imaqarportaaq

Inatsimmi iluarsartuussinerit eqqartuussivinnut allatigullu rigsombuddet-ip piumasarisaaq ingerlatseqqissinnaangorneraniq pinngitsaaliissutaanngitsumik, kisiannili periarfissaqalerneraniq inatsisip iluarsartuunneqarnera Naleqqamiit naammagisimaarlutigu siunnerfigineqartut paragrafinik amerlasuunik naleqqussaaffiullutillu iluarsartuunneqarsimasuut pillugit aningaasaqarnermut akileraartarnermilu suiarineqarnissaat innersuussutigaarput